

Бекітемін
«Музыкалық колледж – дарынды
балаларға арналған музыкалық
мектеп-интернат» кешені» ММ басшысы
_____ С.К. Сыздықов
« ____ » _____ 20 ____ ж

ҚАМҚОРШЫЛЫҚ КЕҢЕСІ ТУРАЛЫ ЕРЕЖЕ

НОРМАТИВТІК СІЛТЕМЕЛЕР

Осы Ереже мынадай нормативтік құжаттар негізінде әзірленді:

Қазақстан Республикасының 2007 жылғы 27 шілдедегі № 319-III ҚРЗ (05.05.2017 ж. жағдайына өзгерістермен және толықтырулармен) «Білім туралы» Заңы;

* Қазақстан Республикасы Үкіметінің 2013 жылғы 17 мамырдағы № 499 қаулысы. Жоғары және жоғары оқу орнынан кейінгі білім беру ұйымдары қызметінің үлгілік қағидалары (07.04.2017 ж. жағдай бойынша өзгерістермен және толықтырулармен);

* Қазақстан Республикасы Білім және ғылым министрінің 2017 жылғы 27 шілдедегі № 355 бұйрығы. Осы бұйрыққа қосымшаға сәйкес білім беру ұйымдарында қамқоршылық кеңестің жұмысын ұйымдастырудың және оны сайлау тәртібінің үлгілік қағидалары (08.02.2018 ж. өзгерістермен).

1. Жалпы ережелер

1. Білім беру ұйымының Қамқоршылық кеңесі (бұдан әрі – Қамқоршылық кеңес) «Музыкалық колледж – дарынды балаларға арналған музыкалық мектеп-интернат» кешені» ММ корпоративтік басқару нысандарының бірі болып табылады.

2. Қамқоршылық кеңес өз қызметінде Қазақстан Республикасының заңнамасын, осы Ережені, сондай-ақ «Музыкалық колледж – дарынды балаларға арналған музыкалық мектеп-интернат» кешені» ММ Жарғысын басшылыққа алады.

3. Қамқоршылық кеңес «Музыкалық колледж – дарынды балаларға арналған музыкалық мектеп-интернат» кешені» ММ әкімшілігімен, жергілікті атқарушы органдармен, мүдделі мемлекеттік органдармен және өзге де жеке және/немесе заңды тұлғалармен өзара іс-қимыл жасайды.

4. Қамқоршылық кеңес мүшелерінің өз өкілеттіктерін орындауы өтеусіз негізде жүзеге асырылады.

2.Қамқоршылық кеңесті сайлау тәртібі және құрамы

«Музыкалық колледж – дарынды балаларға арналған музыкалық мектеп-интернат» кешені» ММ қамқоршылық кеңес мүшелерінің өкілеттік мерзімі аяқталғаннан кейін Қамқоршылық кеңесті қалыптастыру және оның құрамы бойынша ұсыныстарды қабылдау туралы хабарландыруды өзінің интернет ресурсында және/немесе мерзімді баспасөз басылымында орналастырады.

1. Қамқоршылық кеңестің құрамы Қамқоршылық кеңестің мүшелігіне кандидаттардың жазбаша келісімімен алынған ұсыныстар негізінде қалыптастырылады және «Музыкалық колледж – дарынды балаларға арналған музыкалық мектеп-интернат» кешені» ММ қатысушыларының жалпы жиналысында бекітіледі.

2. Қамқоршылық кеңестің құрамына мыналар кіреді:

- 1) жергілікті өкіл, атқарушы және құқық қорғау органдарының өкілдері;
- 2) жұмыс берушілер мен әлеуметтік әріптестердің өкілдері;
- 3) коммерциялық емес ұйымдардың өкілдері (бар болса);
- 4) курстардың әрбір параллелінен білім алушылардың бір ата-анасы немесе заңды өкілі бойынша;
- 5) қайырымдылық жасаушылар (бар болса).

Қамқоршылық кеңес құрылатын білім беру ұйымының басшысы немесе оның орынбасары оның отырыстарына қатысады.

Қамқоршылық кеңестің құрамына 2007 жылғы 27 шілдедегі Қазақстан Республикасы «Білім туралы» Заңының 51-бабы 1-тармағының 2) және 3) тармақшаларында көрсетілген адамдар кірмейді.

4. Қамқоршылық кеңес мүшелерінің саны тақ сан болып табылады және бір-бірімен және университет басшысымен жақын туыстық және жекжаттық қатынастарда болмайтын кемінде тоғыз адамды құрайды. Қамқоршылық кеңес мүшелерінің өкілеттік мерзімі бір жылды құрайды. Қамқоршылық кеңесінің мүшелері университет қызметкерлерінің штатына кірмейді.

5. Қамқоршылық кеңес құрамындағы Мемлекеттік органдардың өкілдері болып табылатын мүшелердің саны үш адамнан аспайды.

6. Қамқоршылық кеңестің отырысында ашық дауыс беру жолымен көпшілік дауыспен сайланатын (қайта сайланатын) оның төрағасы Қамқоршылық кеңестің басшысы болып табылады.

Мемлекеттік органдардың өкілдерін Қамқоршылық кеңестің төрағасы сайламайды және оның міндеттерін атқармайды.

7. Қамқоршылық кеңестің төрағасы болмаған жағдайда, оның функцияларын Қамқоршылық құрамның құрамына кіретін мемлекеттік органдардың өкілдерін қоспағанда, Қамқоршылық кеңестің шешімі бойынша Қамқоршылық кеңес мүшелерінің бірі жүзеге асырады.

8. Төраға Қамқоршылық кеңестің атынан әрекет етеді және осы Ережеге сәйкес оның қызметін қамтамасыз етеді.

9. Қамқоршылық кеңестің жұмысын Қамқоршылық кеңес сайлайтын хатшы қамтамасыз етеді.

3. Қамқоршылық кеңестің өкілеттіктері

1. Білім беру ұйымының Қамқоршылық кеңесі:

1) колледж білім алушыларының құқықтарының сақталуына, сондай-ақ оның шотына түсетін қайырымдылық көмектің жұмсалуына қоғамдық бақылауды жүзеге асырады;

2) колледж Жарғысына өзгерістер және/немесе толықтырулар енгізу туралы ұсыныстар әзірлейді;

3) колледж дамуының басым бағыттары бойынша ұсынымдар әзірлейді;

4) білім беру ұйымына қайырымдылық көмек түрінде түскен қаржы қаражатын бөлуге қатысады және оларды мақсатты жұмсау туралы шешім қабылдайды;

5) білім беру ұйымының бюджетін қалыптастыру кезінде ұсыныстар әзірлейді;

6) тиісті саланың уәкілетті органына немесе білім беру саласындағы жергілікті атқарушы органға Қамқоршылық кеңес анықтаған колледж жұмысындағы кемшіліктерді жою туралы ұсыныстар енгізеді;

7) Білім беру ұйымы басшысының білім беру ұйымының қызметі туралы, оның ішінде білім беру қызметтерін сапалы көрсету туралы, қайырымдылық көмекті пайдалану және жетім балалар мен ата-анасының қамқорлығынсыз қалған балаларды қазақстандық азаматтардың отбасына орналастыру бойынша қабылданатын шаралар туралы есептерін тыңдайды;

8) білім беру ұйымдары қызметінің мәселелері бойынша конференцияларға, кеңестерге, семинарларға қатысады;

9) білім беру ұйымының қызметімен, білім алушылар мен білім беру ұйымының тәрбиеленушілеріне берілген жағдайлармен танысады, олармен психологтың қатысуымен әңгіме өткізеді.

2. Колледждің қызметкерлері (құрылымдық бөлімшелері) Қамқоршылық Кеңестің құзыретіне жататын мәселелер бойынша ақпарат ұсынуға жәрдем көрсетеді.

4. Қамқоршылық кеңестің жұмысын ұйымдастыру тәртібі

1. Қамқоршылық кеңестің отырысын оның төрағасы өз бастамасы бойынша, Қамқоршылық кеңес мүшелерінің жалпы санының үштен екісінің бастамасы бойынша шақырады.

2. Қамқоршылық кеңестің отырысын шақыру туралы хабарламаға Қамқоршылық кеңестің төрағасы қол қояды және қамқоршылық кеңестің мүшелеріне және колледжге қажетті материалдармен бірге отырыс өткізілетін күнге дейін жеті жұмыс күнінен кешіктірілмейтін мерзімде жіберіледі.

Хабарламада отырыстың өткізілетін күні, уақыты және орны қамтылады. Хабарламаға баяндамашы көрсетіле отырып, отырыстың күн тәртібі, аталған мәселелерді күн тәртібіне енгізу уәждерін көздейтін анықтамалық материалдар, Қамқоршылық кеңестің мүшелеріне отырысқа ұсынылатын қажетті құжаттар қоса беріледі.

3. Қамқоршылық кеңестің отырысын өткізу туралы хабарлама алған Қамқоршылық кеңестің мүшесі ол өткізілетін күнге дейін бір жұмыс күнінен кешіктірмей Қамқоршылық кеңестің хатшысына өзінің қатысқаны немесе қатыспағаны туралы хабарлайды.

4. Қамқоршылық кеңестің төрағасы шақыру туралы ұсыныс келіп түскен күннен бастап бес жұмыс күнінен кешіктірмей Қамқоршылық кеңестің отырысын шақырады.

5. Қамқоршылық кеңестің отырыстары қажеттілігіне қарай, бірақ тоқсанына кемінде бір рет өткізіледі.

6. Егер қамқоршылық кеңестің барлық мүшелері оның өткізілетін уақыты мен орны туралы хабардар етілсе және отырысқа оның мүшелерінің жалпы санының кемінде үштен екісі қатысса, Қамқоршылық кеңестің отырысы заңды болып табылады.

Қамқоршылық кеңес мүшесінің өз дауысын Қамқоршылық кеңестің басқа мүшесіне не сенімхат бойынша адамға беруіне жол берілмейді.

7. Білім беру ұйымы Қамқоршылық кеңесінің әрбір мүшесі дауыс беру кезінде бір дауысқа ие болады.

8. Қамқоршылық кеңестің шешімі оған қатысқан мүшелердің көпшілік дауысымен ашық дауыс беру арқылы қабылданады. Дауыстар тең болған кезде Қамқоршылық кеңестің төрағасы, ал ол болмаған жағдайда Қамқоршылық кеңестің төрағасы функцияларын жүзеге асыратын адам дауыс берген шешім қабылданады.

9. Қамқоршылық кеңестің шешімі хаттамамен ресімделеді, оған отырысқа қатысқан Қамқоршылық кеңестің барлық мүшелері қол қоюға тиіс.

10. Колледж Қамқоршылық кеңес қабылдаған шешімдер туралы ақпаратты өзінің Интернет-ресурсында орналастырады.

11. Қамқоршылық кеңес колледжге ерікті түрде өтеусіз негізде түскен қайырымдылық көмекті бөлуге қатыса алады.

12. Колледж қайырымдылық көмектен қабылдаған кез келген түсімдер екінші деңгейдегі банкте ашылған туралы есепке алынады.

13. Қайырымдылық көмектен түсетін түсімдер мынадай мақсаттарға жұмсалады:

1) білім беру ұйымдарының білім алушылары мен тәрбиеленушілерін әлеуметтік қолдау;

2) білім беру ұйымдарының материалдық-техникалық базасын жетілдіру;

3) спортты дамыту, дарынды балаларды қолдау;

4) мемлекеттік жалпы білім беру стандарттарының талаптарынан тыс білім беру процесін ұйымдастыруға арналған шығыстарды жүзеге асыру.

5. Қамқоршылық кеңестің жұмысын тоқтату

1. Қамқоршылық кеңестің жұмысын тоқтату:

1) құрылтайшылардың жалпы жиналысының бастамасы бойынша;

2) білім беру ұйымын тарату және қайта ұйымдастыру кезінде.

2. Қамқоршылық кеңестің мүшесі Қамқоршылық кеңестің құрамынан шыға алады:

1) жеке бастамасы бойынша;

2) білім беру ұйымының орналасқан жерінде үш ай бойы болмауы себебінен жүзеге асырылады.